

PROGRAMA DE FOMENTO DA CONTRATACIÓN DE PERSOAS CON DISCAPACIDADE NA EMPRESA ORDINARIA

CONVOCA

Consellería de Traballo e Benestar

OBXECTO

Incentivar a contratación de traballadores e traballadoras con discapacidade coa finalidade de fomentar e favorecer a súa integración laboral no sistema ordinario de traballo.

As contratacións deberán formalizarse por escrito, comunicarse á oficina pública de emprego na forma regulamentariamente establecida, e ter data de inicio comprendida entre o 16 setembro de 2009 e o 30 de xuño de 2010, ambas inclusive.

Neste programa subvencionase a contratación a tempo completo e a tempo parcial, incluída a modalidade de fixo discontinuo. A contía das subvencións e os incentivos adicionais, se é o caso, será proporcional ao tempo efectivo de traballo en función da xornada a tempo completo establecida no convenio colectivo de aplicación ou, na súa falta, da xornada ordinaria legal.

BENEFICIARIOS

Empregadores e empresas, calquera que sexa a súa forma xurídica, incluídos autónomos, sociedades civís e comunidades de bens, que contraten traballadores e traballadoras con discapacidade, para prestaren servizos en centros de traballo situados na Comunidade Autónoma de Galicia.

TIPO DE AXUDA

Subvención pola contratación indefinida

Os empregadores e empresas que contraten con carácter indefinido a persoas con discapacidade desempregadas no momento da contratación, ou procedentes de centros especiais de emprego, poderán obter unha subvención de 3.907 euros por cada traballador con discapacidade ou de 5.107 euros por cada traballadora con discapacidade.

A estas contías acumularanse os seguintes incentivos adicionais:

- a) 1.000 euros, no caso da contratación indefinida de persoas con discapacidade con especiais dificultades para a súa inserción laboral.
- b) 500 euros, no caso da contratación de traballadores ou traballadoras procedentes de centros especiais de emprego.

DISCAPACIDADE

c) 500 euros, no caso de contratacións en empresas que teñan ata corenta e nove traballadores ou traballadoras, ou no caso de contratacións para prestar servizos en centros de traballo dun concello rural.

Serán obxecto destas subvencións e, se é o caso, dos incentivos adicionais, as transformacións en indefinidos de contratos formativos e de contratos temporais de fomento do emprego para persoas con discapacidade.

Subvención pola contratación indefinida de traballadores/as con discapacidade dun enclave laboral

No caso de empresas colaboradoras que contraten con carácter indefinido a un traballador ou unha traballadora con discapacidade do enclave laboral, segundo o previsto no RD 290/2004, do 20 de febreiro, que presenten especiais dificultades para o acceso ao mercado ordinario de traballo, nos supostos de persoas con parálise cerebral, con enfermidade mental ou con discapacidade intelectual cun grao de discapacidade igual ou superior ao 33%, ou persoas con discapacidade física ou sensorial, cun grao de discapacidade igual ou superior ao 65%, a axuda será de ata 7.814 euros por cada traballador/a contratado/a a xornada completa e poderá acollerse tamén á axuda para a adaptación de postos de traballo.

Para o resto dos traballadores con discapacidade do enclave laboral, as subvencións serán as establecidas con carácter xeral.

Subvención pola contratación temporal.

Aos empregadores e empresas que contraten temporalmente, cunha duración inicial mínima do contrato de 12 meses, a persoas desempregadas con discapacidade inscritas como demandantes de emprego no Servizo Público de Emprego no momento da contratación, ou procedentes de centros especiais de emprego, concederáselles unha subvención de 2.000 euros por cada traballador con discapacidade ou de 2.600 euros por cada traballadora con discapacidade.

A estas contías acumularanse os seguintes incentivos adicionais:

a) 600 euros, no caso da contratación de persoas con discapacidade con especiais dificultades para a súa inserción laboral.

b) 500 euros, no caso de contratacións en empresas que teñan ata corenta e nove traballadores, ou no caso de contratacións para prestar servizos en centros de traballo nun concello rural.

Subvención pola contratación de persoas con discapacidade no marco de proxectos de emprego con apoio.

Os empregadores e empresas que contraten a persoas con discapacidade no marco de proxectos de emprego con apoio subvencionados pola Consellería de Traballo e Benestar terán dereito as seguintes axudas:

- A subvención pola contratación indefinida prevista neste programa incrementada nun 50% (ata un máximo de 8.860 euros pola contratación dun home con discapacidade e 9.160 euros pola contratación dunha muller con discapacidade).

- A subvención pola contratación temporal prevista neste programa incrementada nun 25% (ata un máximo de 3.875 euros pola contratación dun home con discapacidade e 4.625 euros pola contratación dunha muller con discapacidade)

DISCAPACIDADE

Subvención para a adaptación dos postos de traballo ou para a dotación de equipamentos de protección persoal.

Aos empregadores que contraten a persoas con discapacidade poderá concedérselles unha subvención, compatible coas anteriores, que poderá alcanzar os 902 euros, para a adaptación dos postos de traballo ou para a dotación de equipamentos de protección persoal necesarios para evitar accidentes laborais ao traballador ou traballadora con discapacidade contratado/a, ou para eliminar barreiras ou obstáculos que impidan ou dificulten o traballo dos traballadores/as con discapacidade.

Esta subvención será aplicable aos empregadores e ás empresas que celebren contratos indefinidos ou realicen transformacións en indefinidos de contratos formativos e de contratos temporais de fomento do emprego para persoas con discapacidade, ou contratos temporais de fomento do emprego para persoas con discapacidade de acordo co establecido na disposición adicional primeira da Lei 43/2006, do 29 de decembro, para a mellora do crecemento e do emprego, ou, sempre que a súa duración sexa igual ou superior a 12 meses, contratos en prácticas ou para a formación, ou contratos de duración determinada ao abeiro do artigo 15º do Estatuto dos traballadores.

PRAZO

O prazo xeral para a presentación de solicitudes finalizará o 30 de xuño de 2010.

As solicitudes de axudas polas contratacións ou transformacións de contratos temporais en indefinidos realizadas entre o 16 de setembro de 2009 e a data de publicación da orde deberán presentarse ata o 30 de xuño de 2010.

NORMATIVA

Orde do 23 de abril de 2010, pola que se establecen as bases reguladoras do programa de promoción da integración laboral das persoas con discapacidade na empresa ordinaria, cofinanciado polo Fondo Social Europeo, e do programa de emprego con apoio, como medida de fomento do emprego de persoas con discapacidade no mercado ordinario de traballo, e se procede a súa convocatoria para o ano 2010 (DOG N° 81, do 30 de abril de 2010).

ENLACES

 [Orde do 23 de abril de 2010 \(DOG nº 81 do 30 de abril de 2010\)\(317 Kb\)](#)

 [Concellos galegos non rurais\(14 Kb\)](#)

 [Solicitud TR343A\(591 Kb\)](#)